

Na osnovu člana 121. stav (2) i člana 176. stav 1) Zakona o visokom obrazovanju („Službene novine Kantona Sarajevo“ broj: 36/22), člana 96. stav f) Zakona o visokom obrazovanju („Službene novine Kantona Sarajevo“ broj: 33/17, 35/20, 40/20) i člana 233. Statuta Univerziteta u Sarajevu, Odluke Univerziteta u Sarajevu - Fakulteta za saobraćaj i komunikacije broj: 01-1009/24 od 06.05.2024. godine i Odluke Senata Univerziteta u Sarajevu broj:01-9-123/24 od 29.05.2024. godine, raspisuje se

## K O N K U R S

- za izbor u naučno-nastavno zvanje: redovni profesor/napredovanje, za naučnu oblast *Cestovni saobraćaj*, puno radno vrijeme- 1 izvršilac

**Uslovi:** Pored opštih zakonskih uslova, potrebno je da kandidat ispunjava uslove utvrđene članom 96. stav f) Zakona o visokom obrazovanju Kantona Sarajevo ("Službene novine Kantona Sarajevo" broj 33/17, 35/20, 40/20) i članom 226. Statuta Univerziteta u Sarajevu.

Uslovi koje kandidat treba da ispunjava su:

Redovni profesor: proveden najmanje jedan izborni period u zvanju vanrednog profesora, najmanje osam naučnih radova objavljenih u priznatim publikacijama koje se nalaze u relevantnim naučnim bazama podataka, najmanje dvije objavljene knjige, originalni stručni uspjeh kao što je projekt, patent ili originalni metod, te uspješno mentorstvo najmanje po jednog kandidata za stepen drugog odnosno integrisanog ciklusa studija i trećeg ciklusa studija.

Uz prijavu na konkurs, kandidati za izbor u naučno-nastavno zvanje Redovni profesor, obavezno prilažu:

- biografiju i spisak objavljenih radova, projekata, doprinosa i dostignuća;
- dokumentaciju o nastavničkim sposobnostima, doprinosu procesu internacionalizacije i društvenom doprinosu;
- diplomu matičnog fakulteta o završenom dodiplomskom i magistarskom studiju, te diplomu o stečenom naučnom stepenu doktora nauka u odgovarajućoj oblasti;
- listu objavljenih naučnih i stručnih radova, kao i same knjige i radove (sa dokazom o objavljivanju/ispisom iz baze, sa pregledom časopisa i zbornika u kojima su objavljeni) u originalu ili elektronskoj formi;
- podatke o nagradama i priznanjima u vezi sa odgovarajućom naučnom oblasti ako ih posjeduje;
- ostalu dokumentaciju kojom kandidat dokazuje da ispunjava uvjete za izbor u odgovarajuće zvanje.

### **Napomena:**

- Navedena dokumentacija se dostavlja u originalnu ili ovjerenu kopiju.
- Kandidati koji su diplome stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je pomenuti postupak pokrenut.
- Potrebno je da kandidat u prijavi naznači naučno nastavno zvanje za koje se prijavljuje.
- U prijavi je obavezno navesti priloženu dokumentaciju. Svi listovi prijave, kao i priložena dokumentacija, trebaju biti parafirani od strane kandidata.
- Prijava kandidata za određeno naučno-nastavno zvanje treba da sadrži najmanje dokumentaciju kojom se dokazuje ispunjavanje uvjeta za izbor u zvanje za koje je konkurisao.
- Prijave se dostavljaju u pisanoj i (po mogućnosti) elektronskoj formi (na CD-u). Biografiju i spisak objavljenih radova, projekata, patenta ili originalnih metoda je potrebno dostaviti i u elektronskoj formi (na CD-u).

Konkurs ostaje otvoren 15 dana od dana objavljivanja.

Prijave sa dokazima o ispunjavanju uvjeta predviđenih konkursom podnose se lično ili putem preporučene pošte na adresu: **UNIVERZITET U SARAJEVU, FAKULTET ZA SAOBRAĆAJ I KOMUNIKACIJE, Zmaja od Bosne 8 (Kampus Univerziteta u Sarajevu), 71 000 Sarajevo, sa naznakom "Prijava na konkurs za izbor akademskog osoblja, sa naznakom odsjeka i naučne oblasti na koje konkuriše"**.

Nepotpune i neblagovremene prijave neće se uzimati u razmatranje.

Sve informacije u vezi Konkursa mogu se dobiti u Pravnoj službi na telefon 033/565-205.